



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანტონოვსკაია ანა არნოლდის ასული

ანტონოვსკაია ანა არნოლდის ასული [31. XII. 1885 (12. I. 1886), თბილისი,-21. X. 1967, მოსკოვი], რუსი მწერალი.

დაიბადა მხატვარ-გრაფიკოსის არნოლდ ვენჟერის ოჯახში. დანყებითი განათლება მიიღო ქ. ყარსის მარიამის ქალთა სასწავლებელში. 1909 დაამთავრა თბილ. სამხატვრო-გამოყენებითი ხელოვნ. სკოლა. მონაწილეობდა 1905 რევ. მოძრაობაში. 1918 მისი ინიციატივით თბილისში დაარსდა არტისტერიუმი, რ-იც მიზნად ისახავდა ფართო მასების დაინტერესებას საქართვე. ისტ. წარსულით, მისი კულტ. მემკვიდრეობით. აღმანახ „ARS“-ში და ჟურნ. „აკმეში“ (1918 - 19) დაიბეჭდა ა-ს პირველი ნაწარმოებები („ბაკქი ქალი“, „ზღაპარი“, „ბინდი“, „ცეცხლი“).

1921 - 22 დაწერა რამდენიმე პიესა და ინტერმედია თბილ. რევ. თეატრისათვის. პიესა „ყვავილების რევოლუცია“ გამოქვეყნდა ქართ. ენაზე (ჟურნ. „ნორჩი ძალა“, 1921). XX ს-ის 10 - 20-იანი წლების ამბები მწერალმა შემდგომში ასახა „ქართული ნოველების“ ციკლში, ისტ.-რევ. მოთხრობაში „ბათუმის რეიდზე“ (1948), კინოსცენარში „ცეცხლის ტრანსპორტი“ (1930, გადაიღეს ლენინგრადში) და რომანში „მშვიდობის ანგელოზები“ (1945 - 46, თანაავტორი ბ. ჩორნი).

მნიშვნელოვანი ნაწარმოებია მონუმ. ისტ. რომან-ეპოპეა „დიდი მოურავი“ (წგნ. 1 - 6, 1937 - 58; სსრკ სახელმწ. პრემია, 1942, I წიგნისათვის). მასში პირველად თანადროულ რუს. ლიტ-რაში დიდი მხატვრული ძალით აისახა ქართვე. ხალხის ისტ. წარსული, თავგანწირული ბრძოლა ირან-ოსმ. აგრესიისა და ფეოდალ. რეაქციის წინააღმდეგ XVI - XVII სს-ში. რომანში ისტ. სიმართლით და მხატვრული დამაჯერებლობით არის დახატული

გიორგის სააკაძის გმირული სახე. რომანი თარგმნილია ქართ., ჩეხურ, პოლ. ენებზე. ა-ს სცენარის მიხედვით (თანაავტორი ბ. ჩორნი) დაიდგა ორსერიიანი ქართ. მხატვრული ფილმი „გიორგი სააკაძე“ (1942 - 43, რეჟ. მ. ჭიაურელი). მიღებული აქვს სახელმწ. ჯილდოები.

თხზ.: დიდი მოურავი, წგ. 1 - 6, თბ., 1950 - 66.

ლიტ.: ხ უ ნ დ ა ძ ე ნ., ქართული თემა რუსულ პროზაში (ანა ანტონოვსკაია), კრ.: ლიტერატურული ურთიერთობანი, [ტ.] 4, თბ., 1974; Г а в ა შ ე ლ ი Г., Великий патриот, «Литературная Грузия», 1986, № 5; Ж г е н т и Б., Эпопея о национальном герое Грузии (Вступит. статья к «Великому Моурави» Антоновской А. А.), кн. 1, Тб., 1977; Т а в з и ш в и ლ ი Г., Анна Антоновская, Тб., 1958; Ч е р н ы й Б., Связь времен, Тб., 1974.

ბ. გავაშელი
